

**Inatsisartut Siulittaasussaannik qinersineq**

(Inatsisartunut sivisunerpaamik ilaasortaasimasut angajullersaat)

Taamaalilluta oqaluuserisassani imm. 3, Inatsisartut Siulittaasussaannik qinersineq, tikipparput.

Inatsisartut Suleriaasianni § 3, imm. 1 aamma 2 naapertorlugit Inatsisartut Siulittaasuattut qinigaasinnaassagaanni Inatsisartunut ilaasortaanissaq, taamatullu aamma ilaasortanit najuuttunit amerlanerussuteqavissunit qinerneqarsimanissaq, piunasaqaataapput.

Inatsisartut Siulittaasussaattut siunnersuutitik saqqummiussaqaquassi. Ataasiinnarmilluunniit qinigassanngortitsisoqaraluarpat qinersisitsisoqartussaavoq. Partiit ilaasortaqaassusertik malillugu kina Inatsisartut Siulittaasussaattut qinigassanngortinniarnelugu nalunaarutigissavaat.

Suleriaatsimi § 3, imm. 4-mi aalajangersagaq naapertorlugu Inatsisartut Siulittaasoqarfiannut ilaasortat tamarmik ataasiakkaarlutik sinniisoqartussaapput, taamaattumillu aamma qinnuigaassi nalunaarutigeqqullugu kina siulittaasunngortumut sinniisussatut qinerneqassanersoq.